



(В. 16) Бисмиллаҳир роҳманир роҳим ва бихи настаъин. Алҳамду лиллаҳил-ҳабир ва ҳува ала кулли шайин кодир вас-салату вас-саламу ала хойри холкиҳи Муҳаммадин ил-мухтар ва ала алиҳи ва асҳабихил-аҳйар. («Барча нарсани билгувчи, ҳар нарсага кодир Тангрига ҳамду санолар бўлсин. Ўзи халқ қилган инсонлар ичидан сараланган Муҳаммадга, унинг оиласи ва яқин саҳобаларига Тангри еаломи ва саловоти бўлсин»). Хулласи, хабарларда келтирилганки, Тангри таоло оламини бино қилгач, олам яратилишининг ибтидосида, (уни) яратиш аввалида ҳазрати вожиб ул-вужуддан ташқари. Хабардор қилинган ҳазрати (Тангри), хабар берган одамлар ўзи воқиф эмасдир, истадики башар отаси, ҳазрати Одамни, Оллоҳ уни софий қилсин, (Оллоҳнинг саловати бўлсин), тупрокдан яратмоқчи бўлди-ю, ўзининг халифалик хилқатини унинг устига ёпди. Инни, жаилун филарзи халифатан, («Ер юзида буйруқларимни ижро этувчи одамнинг яратувчисиман») экан, шу мўъжаз сўзлар адолатининг шоҳиди бўлганидек, дастлаб Жаброил алайҳиссаломни юбордики, Одам алайҳиссаломнинг пок тийнати яшаш учун ҳозир муаззам Каъба иморати бино бўлган жойдан бироз намрок тупрок келтиришни буюрди. Жаброил алайҳиссалом ерга тушгач, бир каф тупрок олмоқчи бўлди. Замин фалақлар ва малақларни яратган Раббимга касамёд қилиб, дедик, унга бир каф ҳам тупрок бермагай: мёндан бир халқ вужудга келгусидирки, сёндан вужудга келмагай. Сён туфайли мён Оллоҳи таоло ҳузурига бормаганим бўлсин. Жаброил алайҳиссалом қайтиб бориб, заминдан эшит-ганларини зор йиглаб Тангри таолога арз қилди. Оллоҳнинг раҳми келиб унинг касамини қабул қилган эди. Сабабларини

сўраганда рад қилди. Кейин бу ишни ҳазрати Меқойил алайҳиссалом адо этиши учун фармон бўлди. Ер унга ҳам касам билан бир каф тупрокни олмаслигини ўтинди. У ҳам қайтиб кетди. Ундан кейин Оллоҳи таоло амри билан Исрофил алайҳиссалом келди. Замин уни ҳам қайтарди. Тўртинчи маротаба ҳазрати Зулжалол Тангри таоло олий қарамли Азройил алайҳиссаломни жўнатди. У ҳам замин касамини қабул қилмай, деди: «Худойи таоло амри сёнинг касамингдан устунроқдир».

Сўнг бутун ер юзидан турли навъ қуругу хўл, оку қора, қизилу (в. 2а) сарик, ачқигу шўр, нордону ширин ерларидан бир сикимдан олди. Инсон синфлари саногига қараб олди. Қайсисининг қабри қаерда бўлса, ўша жойдан тупрок олди. Чунончи, ҳазрати пайгамбар соллаллоҳи алайҳи вассалам фи оллоҳи ва асҳобаҳи хокларини ҳам онҳазратнинг озода ва шаҳодатли мунаввар қабрлари ўзлари яшаган шаҳарлари-да муанбару муаттардир, ўша жойдан олди. Хуллас, унга бир каф тупрокни сакқиз беҳиштга келтириб, тасним сувида қордилар ва барча яқин малоийқаларга ва беҳишт аҳлига буюрдиларки:

«Барчангиз Одам алайхиссалом хоки тийнати-да тасним суви билан кориб, Мухаммадий нурини омонат куйиб, суркангизлар. Шуни билиб олингларки, оламини яратишдан асл мақсад Одам эди. Одамни яратишдан мурод онхазратнинг вужуди туфайлидир. Фарқи мубораклари: «Лавлокалама холактил-афлок» (Сен бўлмаганингда мен фалакларни яратмаган бўлардим) тожи билан зийнатли, истикоматли коматлари ва «моирсилнакул-рохматилалала-мин» («Биз сени раҳмат ёғдирувчи қилиб бутун оламга юбордик») ташрифи билан мушарраф бўлди. Хазрати Азройил алайхиссалом парвардигор амрини барча ишлар билан жойига қўйди. Хазрати ҳақ таоло арвоҳ кабини унга хавола қилди. Ҳақ таоло субхона амри билан илохий кудрат туфайли қирқ кеча-кундуз Одам алайхиссалом хокига раҳмат ёмгири ёғди.

«Хумрати тийнати одам би ядийи арбаин сайёҳан» мазмунига кўра Тангри таоло кудрати қўли билан инсоният сурати либосини унга қийғизди ва қалбига руҳ уфурдики «фи нафаҳти мин руҳи» («Мен унга руҳимдан юбордим»)дан уни хабардор этдилар. Салафларнинг китобларида батафсил қайд этилганки, тарих аҳли ёзадиларки, халқ қилинган қуни Одам алайхиссалом ердан булутларгача кўтарилдилар. Айтишларича, Одам алайхиссаломнинг камтарин қуныяси Абулбашар шариф лақаби Сафиюллоҳдир. Шунинг учун Одам дейилганки, муборак жисмлари ер юзасидан олиб (адими замин) яратилган. Шу сабабли унга Одам деб исм қўйишди. Баъзилар фикрича (Одам алайхиссаломнинг) покиза баданлари бугдойранг бўлган. Шунинг учун Одам деганлар, Дастлабки фикрга кўра, Одам сўзи адим — пўст сўзидан олинган (в. 26); лугатда уни «рўйи замин пўсти» дейилган. Иккинчи ривоятга кўра, Одам «одама» (сўзидан)дан олинган. Ал-адама (мим ва дол фатхали, хо — сокин) деб бугдой ранглини айтилган. Бошқа бировларнинг айтишича, сув билан тупрок аралашмаси Одам дейилган. Ҳар қалай хазрати ҳақ таолонинг Одамни яратишида кўп хикматлар ва турли-туман сирлар саноксиздир. Шу жи-хатдан исм қўйиш илмининг барча қийлу қолини бевосита унга ўргатди. «Аллама Адам аласмаа куллаха» («Одамга исмларнинг ҳаммасини ўргатди») бунга шохиддир. Барча малойика унинг илмига яқин, хос фазилатига иқроор ва эътироф этувчи бўлдилар. Худойи таоло фармони билан * унга сажда қилдилар. Фақат Иблис бу ишдан ибод қилди ва Одамга сажда қилмади. «Усжуду ли-Адама фасажаду ли Иблис ва ка-на мин ал-жинни, фа фасака» («Одамга сажда қилинганлар, аммо Иблисга сажда қилдилар, у жинлардан бўлиб, Парвардигор амрига итоат этмаган эди»). «Ан амри раббихи фасаждал малойикату куллухум (ажмайна)илла иблис» — («Малоикаларнинг ҳаммаси ҳам сажда қилдилар, иблисдан ташқари») сўзи бунинг адолати шохидидир. Мўътабар китобларда ёзилишича, «Одам» лафзи ибрийча-дир. Одам алайхиссаломнинг яратилишини муҳаррам ул эҳром ошуро ойи ўнинчи қуни, жумаъ қуни соат 11 да; биринчи толеъ бўйича Жади ва Зухал даражасида, Муштарий Хутда, Миррих Хамалда, Камар Саратонда, Шамс Асадда, Аторуд Сумбулада, Зухро Мезонда пайтида бугдойранг киши чехрасида баланд коматли ва жингала сочи қилиб яратади. Яратган Тангри хазрати Одамга беҳиштдан жой берди. Хаввони у уйқутираб турганда унинг чап биқинидан яратди. Аксарий уламо фикрича, уларга бугдой ейишлиқни манъ қилди. Абдуллох ибн Аббоснинг, Оллох ундан рози бўлсин, ривоят қилишича, узум ейишни, баъзиларнинг айтишича, ояти Сарихдагидек, анжир ейишни (ман қилган). Айтишларича, Одам алайхиссаломга сажда қилмасликни (даъват этган) Иблис «Ва инна алайка лаънати ила йавмиддин» («Сенга менинг лаънатим қиёматгача») тавқи лаънатини бўйнида кўрди. Жуда кўп ибодат қилганидан (Худо) фармонига бир бўйсунмагани учун ҳеч фойда топмади. Одам алайхиссалом билан адоват қилиб шумликлар қилишга

интилди. Одам алайхиссалом жаннатда эди. Иблис харгиз унга йўл тополмади, то бир куни хувори ансорий хийласи бирлан кисса ва тафсир китобларида шу нарса машхурки, жаннатга кириб олди. Бомдодда товусни кўрди. У беҳишт кўнгураси эди (в. За) Илон ёрдами билан беҳишт дарбонлигини олди. Аввал ёлгондакам сахобаликни олди. Уни истеъмом килмасдан, Одамга ҳам едирмай дархол беҳишти кийимларини улардан ечтириб олди. Улар ялангоч колдилар. Кейин хар бири бир нечтадан анжир дарахтнинг баргидан олиб авротларини беркитдилар. Хар бешаласи ҳам хазрати иззат Тангриси амри билан жаннатдан чикиб кетдилар. Одам алайхиссалом айтишларича Хавво билан бирга уч соатдан зиёд яшамаганлар. Яна дейдиларки, найсон (ойи) бешинчисида, одина куни, бошка бир (ривоят) га кўра тўккизинчи найсон кунида, соат еттида Хиндистон заминига, Сарандаб тогига Одам алайхиссалом хубут килди. Хавво розиёллохи анха Жиддага, Маккаи муаззама худудидаги дарё лабига, товус Хиндистонга, илон эса Исфохонга, Иблис Симнонга (тушдилар). Айтишларича, Одам алайхиссалом дунёга хубут этиши билан соколи чикди ва юз йил Сарандиб тогида тоатда, зорликда, оху фиғонда истикомат килди-ларки, кўп йиглаганидан муборак кўз ёшларидан ўсимлик-лар, мисли филфил ва калампир, долчин, сумбул ва бошка (ўсимликлар) униб чикдики, бугунги кунда муборак кўзлари баракотидан унинг авлодлари орасида доривордир. Юз йил. ўтгач, ошуро куни унинг тавбаси қабул килинди. Ошуро кунининг бундан ташкари ҳам фазилатлари кўпдир. Масалан, Идрис алайхиссалом ва Исо алайхиссаломнинг осмонга кўтарилиши, Нух алайхиссалом кемасининг Жудий тогида тургун бўлиши, хазрати Иброхим алайхиссаломнинг тугилитди ва пайгамбарлиги, унинг Намруд оташидан халос бўлиши, Мусо алайхумуссаломнинг тугилиши, Довуд алай-хиссалом тавбасининг қабул килиниши, Сулаймон алай-хиссаломнинг ўз Малики билан кайтиб келиши, Айюб алайхиссаломнинг кирмон ранжидан сиххат топиши, Мусо саловатуллохнинг дарёдан кутулиши, Юнус алайхисса-ломнинг балик корнидан чикиб келиши, Од кавми бошидан балони даф килган Яъқуб алайхиссалом кўзининг равшан бўлиши, Юсуф алайхиссаломнинг Канъон чоҳидан чика-рилгани, Зикриё алайхиссаломнинг фарзанд талаб килгани, унинг Яхё алайхиссалом хакига ўкиган дуосининг мустажоб бўлиши, Мусо алайхиссаломнинг Фиръавн мажбурий меҳнати устидан галабаси ва хоказолар шу куни содир бўлган. Бу табаррук кундир. Одам алайхиссалом тавбаси-нинг (В. 36) қабул килиниши билан кўникиши учун байтулмаъмурни беҳиштдан ерга олиб тушдилар, бугунги кунда Каъба харами жойлашган мавзеъга (ўрнатдилар). У тамбман кизил ёкутдан ясалган эди. Хуллас, хазрати Иззати Жалли жалола рухулқуддусга Одам алайхиссаломга хаж расм-русумлари ўргатмокни буюрди. Одам алай-хиссалом хажни ўтказиб, хаж асносида Арафот мавзеъида Хаввони топди. Ўша маконда улар бир-бирларини танишди. Шу сабабдан бу жойга Арафот номини бердилар. Бу мавзеъни Мазулфа дейдилар. Монийлик таманноси инояти ижобати учун дуо килганларки, ул мавзеъни мутаарраф (ошно бўлинган жой) Арафот маъносида хосила килганлар. Хуллас, Хавво розиёллохи анху ва Одам алайхиссаломдан бир киз ва бир ўгил тугилди. Хак таоло амри билан Одам алайхиссалом кориндаги кизни кориндаги ўгил билан берди. Токи икки ўртада фарк бўлсин. Кобил ва опалари тугилди. Хуснисурат юзасидан Кобилнинг майли бўлмайди. Ўз эгизини хохламайди. Одам алайхиссалом эгизини Кобилга берди. Шу сабаб улар ўртасида келишмов-чилик пайдо бўлди. Одам алайхиссалом уларга курбонлик килишларини буюрди, кимнинг курбонлиги қабул бўлса, шунинг иклимосини берурман. Хуллас, хар бири бит-тадан кўйни тоғ тепасига олиб

чикдилар. Оташ келиб Кобилнинг курбонлик кўйини пиширгани учун Одам алай-хиссалом иклимони Кобилга берди. Кобил шу сабабдан Хобилга душман бўлиб колди. Тушида тош билан унинг бошига урди ва халок килди. Айтишларича, бир муддат Хобил мурдасини кўтариб юрган ва уни нима килишини билмаган. Бир куни бир юртга борган, караса, бир карга карга билан жанг килмокда. Бири ўлдирилди, тирик колган карга ўлик каргани тупрок остига беркитди. Кобил ўша каргадан дафн килишни ўрганди. Кейин Хобилни дафн этди. Одам алайхиссалом шунгача ўлимни кўрмаган эди. Бу воқеадан вокиф бўлгач, сурёний тилда бир неча байт ўкиди. Уламо уни тозий (тилига) таржима килган. Назм (мазмуни):

Диёр ўлмишдурур бу дам мугаййар, ки ер юзи кабих ўлди-ю мугаййир, уланнинг таъми рангидир ташаййир, фарогат бўлмади бир хўбманзар. Дариго, кани Хобилим-ки, бу дам, ер жисминда ётур то рўзи махшар.

Кейин Иблис (В. 4а.) Кобилга игвогарона деди: олов сендан ранжиди. Нега сен унга сажда килмадинг? Оташга сажда килганигда сендан хушнуд бўларди. Шундан кейин курбонингни инобатга оларди. Бу сўзлар Кобилни та-раддудга солиб кўйди. Иблис васвасаси унинг дилига кўчди. Оташга сажда килди ва Хакдан бўлакка катл этиш, оташпарастлик расми Кобилдан колган. Бу бидъат танасига унинг кўли билан асос солинди. Киёмат кунигача кимки хакдан ташкари катл этса, оташга сажда килса, бир жазо тарикасида масалан бу корани хак таоло амр килади. Кобил

номаи аъмолига сабт киладилар. Чунончи, бу кора жазо мисли бир омил номаи аъмолига бу икки феъл ёзиб кўйиладики, жазо кунда хар кайсисига алохида-алохида жазо ижросини буюрадилар. Аласт даврида бўлганидек, хазрати иззати жалли жалола Одам алайхиссалом зурриётини унинг пуштидан жудо килдилар. Ўша ал-Мисок замонидан талаб килиадики, «ва из ахаза Роббука мин бани Адама мин зухурихум зуррийатахум ва ашхадахум ала анфусихим аласту би раббикум колу бала». («Агар парвардигоринг Одам болаларидан уларнинг зурриётларини олиб ўзларига кўрсат-са, мен Парвардигорингиз эмасманми? Ха, шундай!»)

Алохида даражалар унинг жами авлодларини унга карши кўйдилар. Улар орасидан бирини кўрса йиглаб турибди, сўнг сўрди: Бу ким? Жавоб бердики, сенинг фарзандларингдан-ман. Мусодара вахимасидан жарима йиглайсан, Сен йиглаб турган экансан, у хам йиглайди. Одамнинг унга раҳми келиб сўрдики, сенинг ёшинг нечада? Жавоб бердиларки, олтмиш ёш. Одам алайхиссалом бу солих фарзанд умрининг калталигини кўриб, акронларидан унга раҳмат айтди. Деди: ўз умримдан унга кирк йилини багишладим. Хак субхона ва таоло у фарзандларга розилик берди. Одам алайхиссалом ўз умри кискалигидан сўраган ва ўзининг умри минг йил бўлади, деб маълум килган эди. Одам алайхиссалом умрй тўккиз юз олтмишга етганда Малакулмавт хазрати иззати жалли жалола «хуллика» валлаху йадъу ила Даруссалом» («Оллох Доруссаломга чакиради») «Кулли нафсин зойика тул-мавти» («Хар бир тирик жон ўлим мазасини тотиб кўрувчидир») (оят) эшигини коқди.

Узок вақт ўлтирган шундай кишики, янги келадиганларга жой пардоз этур.

Одам алайхиссалом жавоб бердики, яна умримдан кирк йил колган. Малакулмавт деди: Довуд алайхиссаломга бахшида этгандинг. Одам алайхиссалом инкор килиб деди: мен қачон умримни багишладим? Балки, бандалик одоби ва хазрати иззат илохийлик карам хазинасидан (В. 46) илтижо килгандурман, зероки, мен ўз сохибим ва маликимдан бирор нарса сўрамок бўлгандирман. Шундай ибодат билан баён килинадиган одоб шундайки,

фалонсиз ёр менга бир нарсани фазл килди. Мен сенинг фалон бандангга лойик кўраман. Фалон бандангни эса бу фазилатдан махрум этаман. Магар у вохиб ул-атоёя карамига шундай (банда) лойик ва сазоворки, хар икки банда ул фазлдан махрум бўлмаса.

Малакулмавт хазрати иззати жалли жалола амри билан кайтиб кетди. Хазрати бори инфиюли ва бакуддус олий карами билан Довудга кирк йил умр багишлади. Одам алайхиссаломга хам кирк йил мухлат берди, то минг йил тўлиши учун. Ружуъи хаба шариятда жоиздир, уни бу ердан олдилар.

Шундан кейин Шис алайхиссалом даври келди. Хазрати хак жалли жалола унга элчи юборди, буюрдикки, бани одам бир-бири билан ахд килган ёки муомала ўрнатганларида икки одил гувоҳ хозир бўлмоғи лозим. Шундан тазкира излашлари лозимки, сўнг уни инкор қилиш мумкин бўлмасин. Алқисса, Одам алайхиссаломнинг умрига минг йил тўлгач, Малакулмавт ўз вазифасига киришди. Айтишла-рича, Одам алайхиссаломга дастлаб сажда килган малоика-лардан Исрофил ва Жаброил (алайхиссалом) бўлдилар. Иблисга тааллуқдор малоикаларки, иблис лафзи ажамий бўлиб, Одам алайхиссалом шарияти худопарастлик, салавот, савм ва қурбон эди. Қасрали коф (билан ўқиладиган) қирбон (лафзи) аёлга яқинлик қилмоқликдир. Май ва чўчка тухумидан хазар қилмоқ. Барча одамлари миллати бир хил бўлиб, бугдойранг бўлган. Машхурдирки, Жаброил алай-хиссалом ерга нозил этилиши билан Одам алайхиссаломни дастлаб темирчилик санъатига ўргатдики, ўйин олатларини ясагай, зироат эккай, нассожлик асбобларини тарошлагай, бофанда санъатини хосил қилгай ва ўз авлоди орасидан онасининг ёлғиз фарзанди Шисни нассожлик санъатига ўргатди. Одаму Хавво алайхумуссаломдан кирк бир фарзанд вужудга келдилар. Йигирма битта кориндан йигирма бир нафар ўғил ва йигирма нафар қиз хамда минг нафар набира қўргани аниқланган. «Ахсан ул-қисас» сохибининг ёзишича, хазрати Одам алайхиссалом бир мингу кирк ёшга қирганлар. Тарих (фани) арбобларининг баъзи ривоятига кўра, минг йил, сир ахлидан бўлган гурухнинг сўзига қараганда — 937 йил умр қўрган бўлади. Ул жаноб қасал бўлган қунларини ўн бир қун ёки йигирма бир қун деб ёзадилар (в. 5а).

Одам алайхиссаломнинг охирагга сафар хангоми тўлган-да Шис алайхиссаломни Хаввонинг васийи қилиб қолдирди ва унинг ахволининг хифзи борасида васият қилди. Одам алайхиссаломнинг равшан пешоналарига сабт қилинган ва Одам алайхиссаломдан Шис алайхиссаломга ўтган нури Муҳаммадий бобида хам қўшиш қилди. Санаи муқаддас мухаррам ойининг ўнинчи, жумъа қунида Маккаи муаззамада таворих ахли баъзисининг сўзига қараганда, Оллох раҳматига муваффақ бўлди. Қўпчилик фикрича, Абу Қабис тоғида, ризоятга кўра Сарандиб тоғида, баъзилар фикрича Нажафда Муртазо Али қарамуллохи важуху ёнида дафн этилди. Хазрати Абулбашар алайхиссалом вафотидан йил ёки етти йил ўтгач, Хазрати Хавво розиоллоху анху борлик қўчини оламдан йигиштирди. Жидда шаҳрида дафн этилган. Таворих арбоби сўзига қараганда Одам алайхиссалом муқаддас ёнидан жой олди. Чунончи, Нух алайхиссалом Тўфон вақтида уларнинг суяқларини Хак амри билан кемага олди. Тўфон тамом бўлгач, Байтул муқаддасда тупрокка топширганлар. Бир юз йигирма йил муддатда, баъзилар фикрича, олтмиш йилда йигирма саккиз саҳифа, бошқа фикрга қараганда, йигирма саҳифа унга нозил бўлган. Умумлукитобнинг абжад, хавваз, хутти, қаламан, саъфас, қарашат, сахаз, зазаг Одам алайхиссалом сурасидирки, Одам алайхиссалом бу саҳифаларини Сифри Одам деб атайдилар. Уларни Афлотуни Илохи юнон тилига тафсир этганди. Хазрати амирулмуъминин Али, қарамуллохи важуху, унинг тафсирини араб тилига таржима

килган эдилар. Айтишларича, Одам алайхиссалом Шис алайхисса-ломни засий ва ўзига ўринбосар килиб колдириб дорулбако-га сафар килганда, Хак таоло амри билан Жаброил алайхиссалом келиб хазрати Шис алайхиссаломга Хак пайгомани етказди. Хазрати Одам алайхиссаломни ювиб, кафанга ўраб, унга жаноза ўкидилар. Маккаи муаззамада Иброхим ери билан Хажар ул асвад ва замзам мобайнида, Имом Шофеъий ёнигаки, бу ерни Хатим деб атайдилар, Одам алайхиссаломни дафн килдилар. Айтишларича, Хазра-ти Одам алайхиссаломнинг авлоди Кобил ва Хобил ўлдирилган вақтда Кобил наслидан минг эркагу аёл колган эди. Хобил наслидан кирк минг эру аёл колганди. Оллох аниқрок билувчидир. (в. 5б.)

(давоми бор...)